



Jesu Keresete O Tshwana Maabane,  
Gompieno Le Ka-Bosenabokhutlo

*ka*

Moruti William Branham



## LEFOKO-KETAPELE

Buka e e kwadilwe gore mongwe le mongwe yo o e buisang gongwe a itse gore Jesu Keresete o santse a Boloka le go Fodisa batho.

Ke tumelo ya me gore O tloga a bonala gape.

Buka e bolela kafa A tlhopileng mosimane yo o humanegileng mme a mmileditse mo bodireding ba gagwe, kafa mosimane a mo tshabetseng ka lebakanyana mme ke gona ka bopelo-jotlhe a boela kwa go Ene.

# THAPELO

Au Rara o kwa Legodimong, tswee-tswee tshegofatsa mongwe le mongwe yo o buisang buka e.

A ba itse gore O tlile go bitsa Phuthego e bonatla ka bonako, e re iseng re ke re e bone.

Re sa ntse re Go dumela.

Tlhola tlhologelo mo pelong nngwe le nngwe mme, Au Wena yo O Siameng, thusa motlhanka wa gago o bonolo go rwala molaetsa Wa Gago.

Ke a itse O mphithhile mo metlhakeng, jaaka o dirile Moshe ka boikaelelo bo bo rileng.

Go ntse jalo Rara, Nthuse ke galaletse leina la gago, kaga ke se kopa ka leina la Jesu.

Amen.

# Jesu Keresete O Tshwana Maabane, Gompieno Le Ka-Bosenabokhutlo

Ke belegetswe mo Cumberland County, Kentucky, mo ntlwaneng ya dikota. Rre le mme ba ne ba nyalane mo bosheng mme ke ne ke le ngwana wa letsibolo. Ke ne ke boleletswe ke mme gore gangwe ge ke setse ke le bogolo ba dikgwedi di le thataro, mme rre a seo kwa gae, re ne re tshwere ke semathana mo dithabeng ka malatsi a se makae. Re ne re feletswe ke dijo mme mme o ne a ntse a koafala ka nako yotlhe. La bofelo o gopotse gore bokhutlo bo fitlhile. O rile o ne a phuthile diaparo tsotlhe tsa rona le tsa go robala mme a ntsere ka mabogo a gagwe a di potokile tsotlhe mo go rona go re re nne re thutafetse jaaka go ka kgonagala.

Mmuisi yo o rategang, ke dumela gore e ka be e ne e le bokhutlo ba rona ge Mmoloki wa rona yo o rategang a ne a sa tla mo ponatshegong ka nako eo. Mme ka gale O gaufi mme o bonala ka nakonyana e e tshwanetseng. O buile le morategi o godileng wa moitshepi-o o pelo wa moagisane mme a mmolella go tla le go bona gore keng ge go ne go sena mosi ka gope o o neng o tswa mo peiping ka malatsi a se makae a a fetileng. Ge a goroga mme a roba go tsena mo ntlwaneng a fitlhela mme le nna re setse re bopame. O batile dikgong mme o goditse mollo. Ke gona a boetseng kwa ntlwaneng ya gagwe go re batlela dijo. Ka bonako re ne re le tseleng ya thata le ya botsogo gape. Bakang leina La Gagwe ka seo.

Ka bonako morago ga moo re tlogile mo boemong ba Kentucky mme re fudugetse kwa Indiana. Rre o ile a yo direla molemi gaufi le Utica, Indiana. Re ntse foo go ka nna ngwaga mme ke gona re fudugetse pejana kwa tlase mo molapong wa Ohio. Dingwaga di se kae di fitile mme ke ne ke godile go nna mosimane wa bogolo bo bo siameng ge Modimo a bua le nna.

Ke ne ke le motseleng ya me maitsibowa mangwe go rwala metsi go a isa kwa ntlong go tswa ka kwa polokelong, e e neng e ka nna bokgakala ba motse go tloga fa ntlong. Go ka nna mo bogareng ba ntlo le polokelo go ne go eme setlhare sa popoliri. E ne e le gona fela ke tsenang kwa gae go tswa sekolong maitsibowa ao mme basimane bangwe ba moagisane ba ne ba ya kwa mogobeng wa bogologolo go tshwara ditlhapi. Ke ne ke llela go ya mme rre o ne a rile ke ye go gella metsi. Ke ne ke eme ka fa tlase ga setlhare go ikhutsa ge ka tshoganetso ke utlwile phefo e fokisa matlhare. Ke ne ke itsitse gore ga go na felo gongwe kwa e fokang teng. E ne ekete ka thapama e e didimetseng. Ke katogile fa setlhareng ka boela kwa morago mme ke lemogile gore felo fa go kana ka bogolo ba swaki ekete bo foka ka matlhare a setlhare. Ke gona foo go tlieng lentswe le re: "O seka wa nwa, wa goga, kgotsa wa kgotlhela mmele wa gago ka tsela nngwe kaga Ke na le tiro ya gago go e dira ge o ntse o gola."

Se ntshositse go ntse jalo gore ke tshabele gae mme ga ke ise ke bolelle ope ka seo. Ke ne nka seka ka nwa kgotsa ka goga. Ke dumela Modimo o tlide go dira tiro e kgolo mo malatsing a bofelo.

Ge ke sena go gola gentle go tswa le mophato wa basha, ba ne ba nkgerisa ba re ke legatlapa kafa ke sa goge kgotsa ke sa nwe. Ba ne ba tle ba re le ge e le basetsana ba ne ba tle ba goge le gore ba ne ba na le boganka bo bogolo go boo ke neng ke na le bona. Ke ne ke le ditlhong go ba bolella se se diragetseng mo bophelong ba me. Mme, ditsala tse di rategang, tota ke bona kgalalelo ka go bolella lefatshe ka se gompieno. Hallelujah!

E ka nna ka bogolo ba dingwaga di le lesome-le-bone ke ne ke gobetse thata ge ke ne ke tsoma. Ke nntse dikgwedi di supa kwa bookelong. Modimo o ne a dirisana le nna mme ke ne ke sa tlhokomele. Pitso ya nna ya gola le go gola ka boamaruri mo go nna. Mme ka go sa golela mo legaeng la Bakeresete ke lekile go e ganetsa. Ka nako di le dintsi ke utlwile lentswe le lennyane le le didimetseng le mpitsa, mme ke ne ke sa le reetse. Ke nntse go ntse jalo ke ne ke sa kgone go ema fela go utlwa go umakiwa ka phuthego.

Ka letsatsi le lengwe ke tsere tshwetso gore ke bone tsela ya go tlosa pitso eo. Ke ne ke ya kwa bophirima go dira ka tsa tlhokomelo ya diruiwa. Tsala, Modimo o nntse o le mogolo fela koo jaaka a nntse felo gongwe le gonwe. A ke o putsege ka kitso ya me. Ge A go bitsa o Mo arabe.

Mosong mongwe wa Loetse ka ngwaga wa 1927, ke boleletse mme ke ne ka ya kwa leetong la bothibello kwa Tunnel Mill, le le ka nnang dimaele di le lesome-le-bone go tswa Jeffersonville moo re neng re nna teng ka nako eo. Ke ne ke setse ke rulagantse leeto go ya Arizona le ditsala dingwe. Ge mme a utlwa ka nna gape, ke ne ke se kwa Tunnel Mill ga e se mo Phoenix, Arizona ke tshabelo Modimo wa Lorato. Bothselo ba tlhokomelo ya diruiwa bo ne bo siame thata ka lobakanyana, mme ka bonako ba tsofala, go tshwana le boitumelo bongwe le bongwe ba lefatshe. Ga e se gore fano ke re, A go Bakwe Modimo, gore kitso le Jesu e gola monate le bogolo go monate ka nako yotlhé mme ga e tsofale. Jesu o nelana ka kagiso e e itekanetseng le kgomotso ka gale.

Bontsi ba nako ke utlwile phefo e foka ka panserite tse di lee. E ne ekete nka utlwa lenseswe La Gagwe le bitsa mo sekgweng, le re, "Adam, o ko kae?" Dinaledi ekete di fa gaufi o ka di tsaya ka diatla tsa gago. Modimo e ne ekete o gaufi thata.

Selo sengwe se ekete se bokao thata mo go nna le ga go ntse jalo ka naga eo ke ditsela mo sekakeng. Ge o ka fapoga tsela o timela bonolo. Go le ka dinako tse dintsi baeti ba bona disheshe tse dinnyane tsa sekaka mme ba tswe mmileng o o bulegileng go di sela. Ba kgarakgatsega mo sekakeng mme ba timela mme dinako-dingwe ba swe ka lenyora. Go ntse fela jalo mo tseleng ya Bokeresete — Modimo o na le mmila o o kwa godimo. O bua ka ona mo go Jesaya, kgaolo ya 35. E bidiwa "Mmila o o kwa godimo wa Boitshepo." Bontsi ba dinako dinatefo tse nnyane tsa lefatshe di go ntsha mo mmileng o o kwa godimo. Ke gona o timeletswe ke kitso ya gago le Modimo. Mo sekakeng ge o timetse foo nako-nngwe go bonala tsietso ya pono ya mathlo. Mo go batho ba ba swang ka lenyora tsietso ya pono ya mathlo e tlaa nna noka

kgotsa mogobe. Bontsi ba dinako batho ba siana fa morago ga tsona mme ba wele mo go tsona fela go bona gore ba thoubuetse fela mo mothabeng o o bollo. Ka nako e nngwe Diabolo o go bontsha sengwe seo a reng ke nako e e siameng. Seo fela ke tsietso ya pono ya matlho, ke sengwe se eseng sa mmatota. Ge o reetsa o tla iphitlhela fela o kgobokanya mahutsana mo godimo ga tlhogo ya gago. O sekwa mo tlhokomela, mmuisi yo o rategang. Dumela Jesu yo o neelang ka metsi a a phelang mo go bao ba ba tshwarang ke tlala le lenyora.

Ka letsatsi lengwe ke bone lekwalo go tswa gae le le mpolellang gore mongwe wa bomorwarre o ne lwala thata.

E ne le Edward, yo o ntlhatlhhamang. Tota ke ne ke gopotse a sa gatellwa thata go ntse jalo ke dumetse gore o tlaa nna botoka. Ga e se maitsibowa mangwe morago ga malatsi a se makae ge ke tswa mo motseng jaaka ke feta ka bonno ba bojelo kwa lefolong la diruiwa ka bona pampiri mo tafoleng. Ka e tsaya. E buisega jaana, "Bill tlaya kwa mahulong a a kwa bokone. Go botlhokwa thata." Morago ga gore ke bale lokwalonyana tsala le nna ra tsamaela kwa mahulong. Motho wa ntlha yo ke kgatlhaneng nae e ne e le motlhokomedi wa diruiwa o godileng wa Lone Star yo o neng a dira mo tlhokomelong ya diruiwa. Leina la gagwe e ne e le Durfy, mme rona re ne re mmitsa "Pop." O ne a na le kitsiso e e botlhoko mo sefatlhiegong sa gagwe jaaka a rile, "Billie boy, ke na le dikgang tse di maswe tsa gago." Ka nako eo ga tla molebedi. Ba mpoleletse gore mogala ke gona o neng o goroga o bolela ka loso la ga morwarre.

Tsala e e rategang, ka nakwana ke ne ke sa kgone go tsamaya. E ne e le loso lwa ntlha mo losikeng la rona. Mme ke batla go bua gore selo sa ntlha se ke neng ke se gopotse e ne e le gore a o ne a ipaakanyeditse go swa. Jaaka ke retologa mme ke lebile go kgabaganya poa e tshetlha, dikeledi di tshologile mo marameng a me. Kafa ke gakologetsweng kafa re neng re tshwenyegile gammogo ge re santse re le makawana le kafa go neng go le thata mo go rona ka teng.

Re ne re ya sekolong re sa ja ka tekano. Menwana ya maoto e ne tswile mo ditlhakong mme re ne re tshwanetse go apara dibaki tse di onetseng di ngomeletswe mo molaleng ka ntlha ya gore re ne re sa apara digempe. Kafa ke gakologelwang ka letsatsi le lengwe Mme o ne a tshotse dipabe mo kgamelwaneng e le dijo tsa rona tsa motshegare. Re ne re sa je le bana botlhe. Re ne re sa kgone go tla le dijo go tshwana le bona. Re ne ka gale re potela ka thabana mme re e ja. Ke gakologelwa gore letsatsi le re neng re na le dipabe re ne re gopotse gore tota e ne e le se se itumedisang. Go ntse jalo go netefatsa gore ke bone seabe sa me sa tsona ke tswile pele ga motshegare o mogolo, ke tsere seatla se se tletseng pele a gore morwarre a bone seabe sa gagwe.

Ke gona ke eme foo ke lebile mo poeng e e babotsweng ke letsatsi ke gopotse dilo tseo tsotlhe mme ke ipoditse ge Modimo a mo isitse kwa bonnong bo bo kaone. Ke gona gape Modimo o mpiditse, mme jaaka tlwaelo ke lekile go lwa le se.

Ka ipaakanyetsa go tla gae ka phitlo. Ge Moruti McKinny wa Phuthego ya Port Fulton, monna o fela a tshwanang le rre mo go nna, o rerile mo phitlong ya gagwe o kayile gore "Ka gongwe go ka nna bangwe fano ba ba sa itseng Modimo, ge go ntse jalo, mo solofele jaanong."

Au kafa ke tlamparatseng setulo sa me ka teng, Modimo o ne a dira gape. Mmuisi yo o rategang, ge a bitsa mo arabe.

Nka sekä ka lebala kafa Rre yo o godileng a humanegile le Mme ba llileng ka teng fa morago ga phithlo. Ke ne ke batlile go boela kwa Bophirima mme mme o nkopile thata tota go sala gore nna kwa bofelong ke dumele go sala ge ke ne nka bona tiro. Ka bonako ka bona tiro le ba Public Service Company ya Indiana, moo ke thapilweng teng jaanong.

Morago dingwaga di le pedi ge ke tlhatlhoba dimitha mo lebenkeleng la dimitha mo Ditirong tsa Gase mo New Albany ke ne ka tsenwa ke gase mme ka dibeke ke bogile ka yona. Ke ile kwa dingakeng tsotlhe tse ke neng ke di itse. Ke ne ka tlhoka go bona thuso. Ke bogile ka mala a bojarara, a dirilwe ke tiragalo tsa gase.

Se godile sa gakala ka nako yotlhe. Ke tseetswe go dingaka tse kgolo mo Louisville, Ky. Kwa bokhutlong ba rile e ne e le lelana la me mme ba rile ke tshwanetse go buiwa. Ke ne ke sa dumele gonne ke ne ke ise ke nne le setlhabi mo letlhakoreng la me. Dingaka di rile ga di sa kgona go ntira sepe go fitlhela ke buiwa. Kwa bokhutlong ke dumetse gore e diriwe mme ka gapaletsa gore ba dirise lemao le tlwaelegileng le bolayang botlhoko gore ke tle ke bone ge ba buwa.

Au, ke ne batla gore mongwe a eme fa go nna yo o neng a itse Modimo. Ke ne ke dumela thapelo mme ke sa kgone go rapela. Go ntse jalo modiredi go tswa go First Baptist Church o tsamaile le nna kwa phaposing ya go buela.

Ge ba ntlosa mo tafoleng go ya mo bolaong ba me ka ikutlwa ke le bokoa le bokoa ka nako yotlhe. Pelo ya me e ne e sa tlhole e uba. Ka utlwa Loso mo go nna. Go fegelewa ga me go ne go ntse go khutswafala ka nako yotlhe. Ke itsitse gore ke fitlhile kwa bokhutlong ba tsela ya me. Au tsala leta o be fitlhe koo gangwe ke gona o tlaa gopola ka dilo tse dints i tse o di dirileng. Ke ne ke itse gore ga ke ise ke go ge, ke nwe kgotsa ke sena mekgwa e e maswe mme ke itsitse gore ga ke ise ke ipaakanye go kgatlhana le Modimo wa me.

Tsala ya me, ge e le gore o tokololo e tsidifetseng ya phuthego e e itsegeng o tla itse ge o fitlha kwa bofelong gore ga o ise o ipaakanye. Go ntse jalo ge e le gore ke sothse se o se itseng ka Modimo wa me, ke go kopa gona fano go khubama ka mangole a gago mme o kope Jesu gore a go fe tiragalo eo ya go Tsalwa gape, fela jalo O boleletse Nikotemo e ka nna mo go Johane, kgaolo 3, mme kafa ditshipi tsa boipelo di tlaa llang — Bakang Leina La Gagwe.

Ga simolola ga nna lefifi mo phaposing ya bookelo jaaka ekete e ne e le ditlhareng tse di kgolo. Ke ne ke utlwa phefo e foka ka matlhare, lega go ntse jalo e ne ekete ke kwa kgakala kwa sekgweng. Ka gongwe o kile wa utlwa go foka ga phefo ge e futswela matlhare, go tla gaufi le gaufi le wena.

Ke gopotse, "Go siame, sena ke loso le le tlileng go ntsaya." Au! moya wa me wa botshelo o ne tshwanetse go kgatlhana le Modimo, ke lekile go rapela mme ke ne ke sa kgone.

Gaufinyana phefo e tlile, ka go utlwala le go utlwala. Matlhare a gwasitse mme gotlhe ka gangwe ke ne ke ile.

E ne ekete ke gona gore ke ne ke boetse gape ke le mosimanyana yo o sa rwalang ditlhako, ke eme mo tselaneng ka fa tlase ga setlhare sona se se tshwanang le sele. Ke utlwile lona lentswe le tshwanang le lele le re, "O sekwa wa nwa kgotsa wa goga." Mme matlhare a ke a utlwileng e ne e le ona a a tshwanang le a a neng a foka mo setlhareng seo ka letsatsi leo.

Mme ka nako e lentswe le rile, "Ke go biditse mme ga wa ka wa ya." Le ipoeleditse ga 3.

Ke gona ke rileng, "Morena, ge e le wena, ntlogele ke boele gape kwa lefatsheng mme ke tlaa rera Efangedi ya gago mo godimo ga matlo le mo dikoung tsa mebila. Ke tlaa bolella mongwe le mongwe ka yona."

Ge ponalo e fetile, ke fitlhets e le gore ga ke ise ke ikutlwae bokaone. Ngaka ya me e ne e santse e le mo moagong. E tlile mme e mpone mme e ne a gakgametse. E lebile jaaka ekete e gopotse ke tlile go swa, ke gona e rileng, "Nna ga ke monna yo o tsamayang phuthego, tiro ya ka e tona, mme ke ya itse Modimo o etetse mosimane yo." Ka ntlayang e buile seo ga ke itse. Ga go ope o a buileng sepe ka seo. Ge ke ne ke Itsitse ke gona se ke se itseng jaanong, ke ne ke tlile go tsoga mo bolaong boo ke goa Pako mo Leineng La Gagwe.

Morago ga malatsi a se makae ke ne ka lettlelwa go boela gae mme ke ne ke santse ke lwala mme ka patelediwa go rwala digalase mo matlhong a me ka ntlha ya selabe mo matlhong se dirileng gore ke sekwa ka bona sentle. Tlhogo ya me e ne e tsikitlela ge ke lebile sengwe ka nakwana.

Ka simolla go batla le go bona Modimo. Ka tsena phuthego le phuthego ke leka go bona felo gongwe mo go neng go na le pitso

ya bogologolo ya altara. Karolo e botlhoko ke gore ga ke a bona epe. Ke rile ge ke ne ke le Mokeresete, ke ne ke tlile go nna ene tota. Modiredi o o nkutlwileng ke dira polelo o rile, "Jaanong Bill boy, o tsena mo Botsenweng." Ke rile ge e le gore ke ne ke na le bodumedi ke ne ke batlile go bo utlwa ge bo tlile fela jaaka barutwa ba dirile.

A go bakwe leina La Gagwe. Ke amogetse bodumedi moragonyana mme ke santse ke na le bona mme ka thuso ya gagwe ke tlaa bo boloka ka gale.

Bosigo bongwe ke ile ka tlhogellwa Modimo le kitso ya matota gore ke ye kwa loobong le le onetseng kwa morago ga ntlo mme ke lekile go rapela. Ke ne ke sa itse go rapela ke gona go ntse jalo fela ke simolotse go buisana le Ene jaaka ke ne nka dira go mongwe o sele. Gotlhe ka gangwe go tlile lesedi mo loobong mme le bopile sefapano mme lenseswe le le tswileng sefapanong le buile le nna ka puo e ke sa e tlhaloganyeng. Ke gona le tsamaileng. Ke ne ke tshwaregile. Ge ke thatamologelwa gape ke rapetse, "Morena ge e le gore ke wena, tswee-tswee tlaya o bue le nna gape." Ke ne ke ntse ke buisa Beibele ya me ge ke sale ke le kwa gae go tswa bookelong mme ke ne ke badile mo Johane 4, "Baratwi lo sekä lwa dumela moyo mongwe le mongwe, mme le leke meya gore a e tswa mo Modimong."

Ke itsitse gore moyo o iponaditse mo go nna mme jaaka ke rapetse o iponaditse gape. Ke gona ekete mo go nna go ne go na le diponto tse sekete tse di tlotsweng mo moyeng wa me wa botshelo. Ke tioletse kwa godimo mme ke tabogetse kwa ntlong mme ekete ke taboga mo moyeng.

Mme o boditse, "Bill, go diragetse eng ka wena?" Ke arabile, "Ga ke itse mme ammaruri ke ikutiwa ke siame ke le botlhoho." Ke ne ke sa tlhole ke kgona go nna mo ntlong. Ke ile ka tshwanelwa ke go tswa le go taboga.

Ke itsitse ke gona gore ge Modimo a batlile gore ke rere o ne a tlile go mphodisa go ntse jalo ke ile kwa phuthegong e e dumelang mo tlotsong ya lookwane ke ne ka fola ka nako eo. Ke bone ke

gona gore morutwa o ne a na le sengwe se bontsi ba badiredi ba senang sona gompieno. Barutwa ba ne ba kolobeditswe ka Moya o o Boitshepo mme go ntse jalo ba ne ba kgona go fodisa balwetse mme ba dira dikgakgamatsotse di kgolo mo leineng La gagwe. Go ntse jalo ke simolotse go rapella kolobetsotse ya Moya o o Boitshepo mme ka e amogela.

Ka letsatsi lengwe e ka nna morago ga dikgwedi di le thataro Modimo o nneile keletso ya pelo ya me. O buile le nna mo leseding le legolo a mpolella gore ke ye go rera le go rapella balwetse mme O ne a tlaa ba fodisa go sa ye ka bolwetse bo bo neng bo le mo go bona. Ka simolola go rera le go dira se A rileng ke se dire. Au tsala, ga nkitala ke simolola go go bolella tse tsotlhetsotse di diragetseng: Matlho a a foufetseng a bulegile. Digole di tsamaile, dikankere di fodisitswe le mefuta yotlhetsotse ya dikgakgamatsotse e dirilwe.

Ka letsatsi lengwe kwa tshimologong ya Spring Street, Jeffersonville, Indiana, morago ga tsoseletso ya dibeke tse pedi, ke ne ke kolobetsa 130 la batho. E ne e le letsatsi la Phatwe le le bollo mme go ne go ka nna batho ba ba kana ka dikete di le tharo. Ke ne ke setse ke tlaa kolobetsa motho wa bo 17 ge fela ka tshoganetso ke utlwile lentswe lele, le le didimetseng le lennyane gape mme le rile, "Leba kwa godimo." Loapi le ne le ntse jaaka kgotlho mo letsatsing leo la Phatwe le le bollo. Re ne re ise re nne le pula epe go ka nna dibeke di le tharo. Ke utlwile lentswe gape, mme ke gona gape laboraro le rile, "Leba kwa godimo."

Ke lebile kwa godimo mme koo go tlile go tswa loaping naledi e kgolo e e phatsimang eo ke e boneng gantsi pele mme seo ga ke ise ke le bolelle ka sona. Gantsi ke boleletse batho ka yona e bonala mme ba ne ba tle ba tshege fela mme ba re, "Bill, ke seo fela o se gopolang. Kgotsa ka gongwe o ne o lora." Mme go bakwe Modimo, ka nako e O ipontshitse ka go bonala mo go botlhetsotse, gonne e tlile gaufi le nna ke ne ke sa kgone le go bua. Morago ga nakonyana e fetile ke kuile mme batho ba bantsi ba lebile kwa godimo mme ba bone naledi fela mo godimo ga me. Bangwe ba

idibetse ge bangwe ba goile mme bangwe ba tshabile. Ke gona naledi e boetse morago mo loaping mme bonno bo e tlogileng mo go bona bo ne bo le kana ka maoto ka go lekalekana a le lesome le metso e metlhano mme bonno ba nna ba tsamaya bo huhula kgotsa ekete dintelo di ne di menoga. Koo di bopile mo lofelong lena lerunyana le le sweu mme naledi e amogetswe kwa godimo mo lerunyaneng lena.

Mmuisi yo o rategang, ge nna fela ke ne ke na le sebaka mo bukeng ena go le bolella ka dilo di le dintsi tseo di diragetseng, kafa tebarenekele ya rona e agilweng ka teng le bontsi ba ditsoseletso tse di nonofileng tse re di tshwereng. Batho ba tlile go tswa kgakala le gaufi go fodisiwa. Mme ke tlile go tshwanela go dira buka e bobotlana bo bo lekaneng gore e rekwe ka tlhwatlhw e e tlase mme e kgone go fitla go botlhe. Dilo tse ke go go itsitse gore Jesu Keresete o santse a tshwana jaaka a ne a nntse maabane le gompieno mme o tlaa nna ka bosenabokhutlo, le gore o tle o mo dumele mme o bolokege. Ge o ka kcona, ka nako nngwe le nngwe ditsoseletso tsa rona di gaufi le wena, tswee-tswee e ya kwa go tsona.

## BOPAKI

Jaanong mo ditsebeng tse di latelang o bona bosupi bongwe ba Batho ba ba seng ba kae ba ba setseng ba fodisitswe ka dingwe tsa ditirelo tsa rona.

---

Ke ne ke le mo bookelong mo New Albany, Ind. ge ke utlwetse ka ga Mok. Branham. Ke ne ke thutswe ke koloi. E batlile e nna dikgopo tsotlhе tsa me tse di neng di robegile. Mokwatla wa me o tsibogile. Ke ne ke feletswe ke tsholofelo, mo go tsa thuso ya melemo.

Mok. Branham o nthapeletse, mme ka pong ya leitlho dikgopo tsa me tsa boela mo mannong a tsona, le ona mokwatla wa me. Ngaka ga ya ka ya tlhaloganya se. Ke tsogile, ke apere diaparo tsa tsa me, ka ya gae, mme ka ya tirong.

Go Bakwe Modimo ka Nonofo Ya Gagwe Ya Phodiso.

William H. Merrill, 1034 Clark St., New Albany, Ind.

---

Ke ne ke le segole ka dingwaga di le dintsi. Ke sa kgone go tsoga mo bolaong ka nako e e rileng. Ditokollo tsa me di ne di hunyetse go ntse jalo ke ne ke sa kgone go tsamaya. Ngaka e rile ga nkitla ke tsamaya. Ke utlwetse ka Mok. Branham le kafa Modimo a neng a araba dithapelо tsa gagwe. Gontse jalo ka mo letsetsa. Ene e le monna mongwe yo mosha a bidiwa, DeArk, ba tlie mme ba nthapella. Ka bonako ditokollo tsa me di ne di fodile. Ke ne ke kgona go tsamaya. Ke santse ke tsamaya. E ne e le dingwaga di le nne ge e sale se se diragetse.

Ke baka Modimo ka Nonofo ya gagwe e e gakgamatsang.

Mrs. Mary Der Ohanion, 2223 E. Oak St., New Albany, Ind.

---

Go yo ka gongwe e mo Amang.

Ke ne ke golofetse ka sebakanyana. Ditokollo tsa me di ne di robegile mme ke ne ke se kitla ke tsamaya gape. Go ya ka puo ya Ngaka. Morwaake o ntataiseditse kwa kopanong ya Mok. Bill, mo setulong sa me sa maotwana. Bosigo boo ke bone monna a tsamaya yo a iseng a tsamaye ka dingwaga dile 18. Ke bone gape monna a amogela pono ya gagwe ya matlho mme a tsamaya mo gare ga phuthego kwantle ga thuso. O ne a fofufetse ka dingwaga di le 40 le ba bangwe ba bantsi, digole le mefuta yotlhe ya bolwetse e fodisiwa bosigo boo. Gontse jalo ge go tlile nako ya me go rapellwa, ke ne ke na le tumelo ya go dumela mo go Jesu, gore o ne a tshwana maabane, gompieno, le ka bosenabokhutlo. Mok. Bill o nthapeletse, o ntshwere ka seatla mme o rile mo, "Leineng la Jesu — tsamaya."

Ke utlwile nonofo ya Modimo e tla mo go nna. Ditokollo tsa me tse di neng di tswile di tlhamaletse fa pele ga me tsa ya fa fatshe mme ke simolotse go tsamaya, mme go bakwe Modimo, Ke tlogetse koloi ya me ya bogologolo ya maotwana mme ke tsamaile mo dikgaolong di se kae tsa motse go ya gae.

Mrs. T. Hargrove, 149 Spring St., Jeffersonville, Indiana

---

Ke ne ke tlhobogilwe go swa ka dingwaga tse pedi tse di fetileng ka kankere. Ke itsitse Mok. Bill ka dingwaga. Ke itsitse e le motho yo o siameng mme ke ne ke nntse mo dikopanong tsa gagwe di le di ntsi. Modimo a mo tshegofatsa mme a dira metlholo e mentsi—ntsi ka ene. Ke mo letseditse go nthapella. Kankere ya me ya nyelela.

Ke santse ke itumetse, ke baka le go leboga Modimo.

Mrs. L. Stinner, Missouri Ave., Jeffersonville, Indiana

---

Ke ne ke tihobogilwe ke ngaka ya rona ya lelapa, fela diura di se kae tsa go phela. Ke ne ke lwetse e ka nna dingwaga di le 3 ka kankere.

Monna wa leina la Wiseheart o mpoleletse ka Mok. Bill. Ba kgwaeditse dimaele di le 35 mo gare ga semathana le dikgapetla tsa metsi go fitlha kwa go nna. Ka nako e ba fitlhileng koo palo ya ditsala tsa me le ba lesika ba ne ba phuthagane gammogo go mpona la bofelo. Barwadi ba me ba ne ba ntheketse diaparo tsa phuphu go mphitlha ka tsona. Ke ne ke setse ke tlaa idibala ge Mok. Bill a fitlhile koo. O kopile bottlhe ba ba sa dumeleng go tswa mo phaposing. Ke gona a khubama mme a nthapella. Ke utlwile nonofo ya Modimo mo go nna ge a baya seatla sa gagwe mo go sa me, mme ka gangwe ke utlwile kankere ya me e setse e tsamaile.

Ke eme ka dinao tsa me ke baka Modimo ka nonofo ya gagwe. Seo e ne e le dingwaga tse 4 tse di fetileng mme ga ke ise ke nne le kankere ge e sale.

Go bakwe Modimo ka Tshiamo Ya Gagwe.

Mrs. Sarah Hoyse, Middletown, Ind.

---

Ke ne ke le segole go tloga kwa tsalong. Ke ne ke sa itse go tsamaya kgotsa go dirisa diatla tsa me le mabogo. Ke utlwete kwa Mok. Bill a neng a tshwaretse kopano e e gakgamatsang ya phodiso. Ke tsene mme ke bone dilo di le dintsi tse di gakgamatsang di dirwa ka tumelo mo leineng la Jesu le mo peong ya diatla.

Mok. Bill o nthapeletse, ke gona a ntihabileng ka matlho mme o rile, "Ka Leina la Jesu, Tsamaya." Ke utlwile nonofo ya Modimo e tla mo godimo ga mmele wa me. Ke ne ke ikobile mme santilha mo bophelong ke simolotse go tsamaya. Ke ne ke le dingwaga di le 35 ka bogolo.

Modimo mo malatsing ana a bofelo o dira tse di gakgamatsang.

Bakang leina La Gagwe ka bosenabokhutlo.

Mosetsanyana wa rona Betty, o ne a lwala dikgwedi di le tharo. Re ne re na le dingaka tse pedi tse di itsegeng tsa motse, mme le ga go ntse jalo ga a ka a bona sesosa. Re ne gape re na le badiredi ba ba itsegeng ba motse le ba naga ya tikologo go mo rapella. Ka boiketlo a gatellwa. Ke gona re rometse kwa Jeffersonville, Ind., go monna wa leina la Moruti Wm. Branham, yo o nang le neo ya phodiso Semodimo. Mokaulengwe Bill, jaaka a bidiwa, o tlile kwa go rona ka bonako. Morago ga diura tsa thapelo, o tsene mme o re boleletse gore Morena o mmontshitse pono ya gore a dire eng ka Betty wa rona o monnye. E ne e le fela letlalo le marapo mme a tetesela o kare o sule lethakore. Mokaulengwe Bill o re boditse ge re tlala dumela Modimo mme re tlala uthwa se A re bolellang go se dira. Morago ge a setse a rapetse mme a biditse mo godimo ga gagwe leina la Jesu, mosetsanyana wa rona a fola. Seo e setse e ka nna dikgwedi tse di lesome tse di fetileng. Betty wa rona o monnye jaanong o mo boitekanelong bo bo siameng mme o akotse fa go kgatlhisang. Nka itumella go kwalla le ga e le mang yo o botsang ka phodiso ya gagwe, kgotsa nngwe ya diphodiso tse di diragetseng ka tsoseletso eo Mokaulengwe Branham a neng a tshwaretse fano mo St. Louis ka 1945.

Phodiso e e diragetseng mo Tsoseletseng ya St. Louis e bonwa mo bukeng ya setlhogo sa "Pono ya Legodimo," ka Mokaulengwe Branham. Tlhomamisa gore o e buise.

Moruti Robert Daugherty, 2009 Gano Avenue. St. Louis, Mo.

---

#### GO YO GONGWE E KA MO AMANG:

Ke ne ke robetse mo bolaong ka mokokotlo wa me ka dingwaga di le 8 dikgwedi di le 9 ka T.B. mme dingaka di ne di ntlhobogile. Ke ne ke sena le bokete ba diponto di le 50 mme e ne ekete tsholofelo yotlhе e ile. Ke gona go tswa Jeffersonville, Ind., e ka nna dimaele di le 35 go tlogo kwa legaeng la rona, go tlile Moruti Wm. Branham, mo ponong e a boneng kwana e tshwerwe mo sekgweng

mme e ne e lla e re "Milltown" (Ke moo ke nnang teng). Mokaulengwe Branham ga a ise atle fano kgotsa go itse ka mongwe go tswa fano. Fa a tsena, o mpeile diatla mme a rapela, a bitsa mo godimo ga me leina la yo a rategang wa rona Morena Jesu. Sengwe ekete se a ntshwara mme ka bonako ke ne ke eme mme ke leboga Modimo ka thata ya Gagwe ya go fodisa. Ke tswetse kwa ntle lantlha mo go nna mo dingwageng tse di 8, ke gona ke kolobeditsweng mo nokeng, ka leina la Jesu Keresete. Jaanong jaana ke moletsi wa piano kwa phuthegong ya Baptist e e fano. Tse dintsi ka go feta di tsamaisana le phodiso ena e kgolo. Ga ke na le sebaka mo bosuping bona go bo kwala botlhe. Ka boitumelo nka kwala mme ka bolela ka bottlalo mo go mongwe yo o nang le kgatlhego mo phodisong ya me.

Georgia Carter, Milltown, Indiana.

---

#### GO YO GONGWE E KA AMANG:

Ke ne setse ke builwe mme ke ne ke na le popego ya kankere go tswa mo go buiweng. Ke ne dirile tsotlhe tse ke itseng go di dira go boela gape mo boitekanelong ba me, mme ke ne ke paletswe. Mohumagadi wa me le ene o ne a lwala mme re ne re utlwile ka Moruti Branham mme le kafa Modimo o neng o dira ka ene mo go fodiseng balwetse. Re ile kwa lelapeng la gagwe ka letsatsi lengwe la Tshipi thapama e ka nna dikgwedi di le thataro tse di fetileng, mme ge re gorogile re fitlhets'e bangwe koo ka lebaka le le tshwanang, mme ba fodisitswe. Ke gona re ntseng le puisano le Mokaulengwe Branham mme re mmoditse ge sengwe se ka dirwa mo go rona. Re moleletse fa re le Makatolika mme o re boleletse gore phodiso Semodimo e ne e fitlhella go botlhe ba ba neng ba tlaa dumela. O re thkokomedisitse ka mohumagadi wa Mokatolika o a amogetseng pono ya gagwe fa ene a setse a kopile Modimo go mo thusa, mme jaanong a buisa kgatiso e tshesane. O ne a setse a foufetse gore a be isiwe kwa ntlong ya gagwe. Ke gona mohumagadi wa me le Nna re rapelestweng mme bobedi ba rona re fodile. Kankere ya me e ne e nyeletse! Re itumetse thata jaanong

le go itekanelo mme moso mongwe le mongwe ke tsoga mo bolaong mme ke rapelle Mokaulengwe Branham diura di le 3 le tiro ya gagwe go Modimo. Ke na le kgwebo ya motlakase fano mo motseng mme moso mongwe le mongwe wa Letsatsi-La-Tshipi reya kwa kopanong ya phakela mme ke gona re itlhaganele go tshela letsibogo go ya kwa Tebarenekkeleng ya ga Branham. Gape re tsena ditirelo tsa bosigo le thapelo ya bosigo ya Laboraro. Re na le nako e e itumedisang mme ekete re phela mo lefatsheng le lesa. Ka boitumelo ke tlaa araba lekwalo lengwe le lengwe ka tshedimosetso ya phodiso ya me.

Louis H. Head, 417 Garnet Court, Louisville, Ky.

---

Ke rata go oketsa bopaki ba me ka kgalelo ya Modimo mabapi le phodiso Semodimo. E ka nna dingwaga di le tharo ke ne ke tlhokofaditswe ke motshweetshwee, o o neng o ntse o anama mme o gola, go fitlhela bo-ntle ba diatla tsa me le bogodimo ba maoto a me e nna sekgwakgwa se se thata. A ne a rurugile mme a le botlhoko. Ka Moranang 11, ka 1945, Mokaulengwe Branham o ntloditse mme a mpaya diatla ka thapelo, mme mo boemong ba gore ke nne kaone, ke tswetse pele go gatellwa, mme jaaka ke ne ke dirisa setlolo mo diatleng tsa me le maoto, ke gopotse gore ka gongwe ke lebaka leo ke neng ke sa fole. Ka jalo ke tsere tshwetso go emisa go dirisa ditlhare tsotlhe mme ke tlogele tsa lebaka la me gotlhelele go Morena. Ka Seetebosigo a le 10, Mokaulengwe Branham le Mokaulengwe Seward ba nthapeletse gape mme Morena o mphodisitse, a go Bakwe leina La gagwe le le boitshepol! Gangwe pele Mokaulengwe Branham o ne a ntloditse diabo tsa maoto tse di bokoa. Maoto a me a le botlhoko go nna pogo mo go nna ge ke tsamaya. Mme ge ke setse ke tloditswe, maoto a tiya, mme gompieno ke kgona go tsamaya bokgakala thata kwantle ga kgoreletso epe ya maoto bogolo fela go sekwere se le sengwe pele go tlotsa. Ke rata go oketsa ka gore se ga se maitemogelo a me a ntsha ka phodiso ya Semodimo. Dingwaga tse di masome

a mabedi le bongwe tse di fetileng, ke tsene tirelo e tshwerwe ke Moruti C.H. Erickson kwa Columbus, Ind. Ba bangwe ba foidisitswe mo malwetseng a a farologaneng mme jaaka nna ke ne ke bogisega ka boemo bo bo maswe ba mofikela ka nako e telle mme ke ne ke na le sekaku mo leithong la me kafa leithong la me la moja le gore ka botlhanngwe se khurumetse pono ya me (mme le kabu le mphoufaditse Ka nako), nna, ka bogaame ke kopile Morena go Mphodisa mme o dirile jalo. Ga ke aka ka gope le ka gope gape ka tshwenngwa le ke bongwe ba malwetse ao. Ke amogetse tshegofatso e ke nntse mo setulong sa me, jaaka ke ne ke sa kopa dithapelo tsa ga Moruti Erickson, ke nntse mosupi wa diphodiso mme ke utliwe mme ke buositse ka bosupi ba ba bangwe. E ka nna dingwaga tse pedi tse di fetileng Ke ne ka feta legae gaufi le Prospect, Ky. Leseanyana, le le lwa lang le ne le rapame no materaseng wa motlhaka ka mo segotlong mme mmaagwe o mpoleletse le ne le fetile dikgwedi di le nne ka bogolo mme le ne le ntse le lwala botshelo bottle bo bo khutshwane ba lona. Le ne le otile mme le ne le sa kgone go tsaya kotlo kwantle ga go kua ka sethabi. Ka La-Tshipi le le latelang Ke boleletse Mokaulengwe Branham ka ngwana o. Ene le phuthego ba rapeletse leseya, mme morago ga dibeke di se kae nna gape ke fetile fa legaeng le mme ka botsa ka leseya. Le ne le ntse botoka mme le agega. Ke tsene le go le bona, mme le ne le amogela kotlo mme tota le e itumella. Go kwadilwe gore Rara wa rona wa Legodimo o neile morwa Wa Gagwe Jesu Keresete, thata yotlhe mo legodimong le mo lefatsheng, mme O mo neile leina godimo ga leina lengwe le lengwe, mme Petero o buile gore e ne e le mo leineng La Gogwe, gore monna wa Segole o foidisitswe kwa Kgorong ya Tempele. Ke lona leina leo le le galalelang dilo tsena tse di makatsang di dirilweng kajeno. Mme ge re foidisitswe ka thapelo ya tumelo, sena ga se fela tshegofatso e re e amogelang, mme e tshotse mo go yona tlhomamiso ya dibe tse di itshwaretsweng. Jak. 5:15

Go lebogiwe Modimo gore rona mo lefatsheng lena la motshwenyego gompieno, banna ba ba tshwanang le

Mokaulengwe Branham, Erickson, John Sproul le bangwe bao Moya o ba neileng néo ya phodiso ya Semodimo. Jesu Keresete o tshwana maabane, gompieno le ka bosenakokhutlo. Mme o fela jaaka a kgona mme a rata gore fodisa jaaka ge A ne a laotse Efangedi ya Mmuso mme a fodisitse batho dingwaga tse di makgolo a a lesome le borobongwe tse di fetileng. Ke bone Joan Gray, leseanyana le le neng le lwala, ka Phatwe 26. Jaanong le setse le fetile dikgwedi tse di 27 tsa bogolo mme o fodile o itekanetse ka go kgonega.

Wa Iona mo go Keresete Jesu.

G.W. Jones, 705 E. Maple St., Jeffersonville, Ind.

---

Ditsala tse di rategang, go na le ba bangwe ba ba fodisitsweng mme ba ne ba ratile go neela ka bosupi jaaka dipaki mo go nonofo ya Modimo mme ga re na sebaka sa bona fela jaanong mo bukaneng ena. Ditshupo tsena tse di neetsweng ke go go rutluetsa go dumela Jesu Keresete le go mo itse jaaka Mmoloki le Mofodisi wa gago.

Ba bantsi ba ba buisang Beibele, ba re, "Ge fela ke ne ke phela mo nakong ya Beibele, ke ne ke tla ya kwa go Jesu mme o ne a tlile go nthusa." Tsala, o fano gompieno go go thusa, fela go tshwana jaaka a ne a ntse letsatsi lele. Dumela fela Moya o o Boitshepo, Ke ene Mosupi wa Jesu. Tswee-tswee, gona mo o leng teng, Mo dumele, mme o tlaa fodisiwa.

# THERO

Temana ya rona e bonwa mo go lesaya, 53:5.

"Mme ruri ene o phololeditswe ka ntlha ya maleo a rona, a teketelewa melato ya rona. Petso ya mo wela, gore rona re bone kagiso. Mme re fodisitswe ka dintho tsa gagwe."

Jaanong tsala, Beibele e re, "Ka dintho Tsa Gagwe re fodisitswe." Mme re tlaa amogela gore re santsre na le tshwarelo ya maleo a rona ka tshollo ya madi A Gagwe, go sa ye gore re dirile eng. Ka ntlhayang? Gonre se ne se le mo thuanyong wa rialo. A dintho Tsa Gagwe tsa Phodiso di ne di se mo thuanyong le tsona? Ke gona ge thuanyo ya phodiso e latlhegetswe ke nonofo ya yona ke gona o mo maleong a gago ka thuanyo, gonre maleo a gago a dirilwe ka Madi a a tshwanang go tswa mo monneng a le mongwe mo felong go le gongwe, ka nako e e tshwa-nang, ka letsatsi le lengwe.

Ke gona o tlaa reng di dira gammogo kgotsa kana ga sena bokao.

Nyaa, tsala, o dumele Jesu fela ka go tshwana mo phodisong ya gago jaaka o dira mo maleong a gago mme thuanyo e tlaa nna le bokao bo bo tshwanang. E tlaa go direla ka tsela e kgotsa e nngwe, ge o dumela gore e diretswe wena mo letsatsing le jaaka fela le mo go bale mo letsatsing lele.

Fela jaaka o fologela mo nokeng go tshela ka mokoro o o tshedisang, o bona ba bangwe ba tshela, go ntse jalo kantlhayang o sa kgone? Ga o ye kwa go kgosana ya mokoro oo mme o motse ge e le gore mokoro o tlaa dira leeto kgotsa nyaa. O duela fela chelete ya leeto, o pagama mme o nne fa fatshe. Ke gona go tlaa tswang go mokgweetsi go go tshedisa noka.

Ke mokgwa o o tshwanang ka Phodiso Ya Bo-Modimo, o bona ba bangwe ba fodisiwa mme o ka fodisiwa le wena. Fela e ya kwa go Jesu. Chelete ya leoto mo lebakeng le ke dumela, ke gona go tswang mo Jesu go go bona o tswella.

Au, mokaulengwe le kgaitsadi, Mo dumele, le wena mmogo o ka fodisiwa. Letsatsi la Metlholo ga le ise le fete mo go bao ba ba dumelang go se jalo.

Ke eng sa ntlha se o se dirang ge o rulaganyetsa pikiniki? O tsaya almanaka ya basadibagolo mme o bone gore a ka letsatsi leo ge e le gore pula e tlaa na kgotsa go apogile. Ke gona o tlaa ipela ge e le gore go apogile. Ke gona o tlaa re, "Re tlaa rulaganyetsa pikiniki letsatsi leo." Le tlaa reka dijo tsa lona tsa motshegare mme le ipaakanyetsa go tswa fela ka gonne almanaka e re "go apogile."

Au, mokaulengwe le kgaitsadi, o beile tumelo e kalo mo almanakeng, ka ntlhayang o sa dumele mo Lefokong la Modimo? Gakologelwa Modimo ka gale o ne a ntse a na le bangwe ba ba dumelang, kantlhayang o sa nne mongwe wa bona jaanong? Buisa Mareko 16 mme o bone gore taolo ya bofelo e e neilweng phuthego e ne le go fodisa balwetse. O rile "Mme ditshupo tse di tlaa ba sala morago bona ba ba dumelang."

Ge phuthego ya gago e re yona ya dumela mme ditshupo di sa latele, ke gona go ya ka Lefoko la Modimo ga ba dumele.

Botsa mongwe gompieno ka sesupo se se siameng sa modumedi mme ba tlaa go supetsa mongwe o o mo maemong a a molemo a bophelo. Mongwe yo o duelang sentle mo sejaneng sa kgobokanyetso. Au tsala ya me, bangwe ba bona ga ba sa itse Modimo bogolo go le Hottentot le itse bosigo ba Moegepeto, mme bangwe ba bona ke barutegi ba ba itsegeng go tswa mo sekolong sa barutwana le gona. Mme ga wa tshwanela go nna morutegi go itse Modimo. Mme o tshwanetse go dira go feta bogolo go bontsi bona, o tshwanetse go dumela mme ge o dira jalo ditshupo mo go Mareko 16: 17-18 di tlaa go latela jaaka Jesu a rile di tlile go dira jalo.

Gakologelwa mo go Mareko 16 le re rera Efangele mo lobopong lotlhe. Ka gongwe o ka re, "Mok. Branham, Efangele ke eng gore re tle re itse ge re na le yona kgotsa nyaa. A ke Lefoko?"

Paulo o buile gore Efangele e tla mo go rona e seng ka lefoko fela ga e se ka Nonofo le Boitshupo ba Moya o o Boitshepo. Ke gona a ga o kitla o nna le go nna le Nonofo ya Moya o o Boitshepo go bontsha ditshupo tseo tsa Mareko 16?

Phuthullang le nna mo go Timotheo 2, Kgaolo 3 mme le bone kafa Moya o o Boitshepo o buang gore mo malatsing a bofelo batho ba tlife go nna le sebopego sa bomodimo mme ba tlife go itatola thata ya ona, mme mo go batho ba ba ntseng jalo Beibebe e re le ikgaoganye le bona.

A seo ga se sespo sa gore re tshela mo malatsing a bofelo? Batho ba latola nonofo ya phodiso le go gololwa mo dibeng.

Diphuthego di ntse di tsidifala themometara e ya masome-a-le-marataro kwa tlase ga lee. O ka sekwa nna le phenyo mme o diragatse Phodiso Ya Bo-Modimo go tsamaya le meletlo ya dikarata le disekarete. Batho bangwe ba ya kwa phuthegong mo mosong wa Letsatsi-La-Tshipi ka sekara se segolo mo molomong ba lebega jaaka pholwana e kgaotsweng dinaka ya Texas. Lefoko le buile mo go rona go itlhatswa ka bogaaronwa mo masweng a otlhe. Au mokaulengwe, kgaogana le dilo tsa gago tsa lefatshe mme o direle Modimo. Ke gona a tlaa go dumellang go tsamaya mo tselagodimong Ya Gagwe ya Boitshepo jaaka Isaiah Kgaolo 35 e buile ka yona.

Ge mongwe a ne a ka go tlisetsa chelete lekwalo ya \$70,000.00 o tlife go simolla go ipela. Ge ke ne nka go botsa kantlhayang o ne o itumetse o ne o tlife go araba ka gore o ne o na le \$70,000.00. Ge ke belaetse se o ne o tlaa neela lekwalo chelete. Ge ke ne nka bua gore e ne e fela sekgemechana sa pampiri ka mokwalo mo go yona o ne o tlife ka bonako go araba gore go ne go tshwanetse go nna \$70,000.00 e e beeleditsweng le Mmuso wa U.S. pele a gore lokwalo le kwalwe mme gore ka gona mmuso o tlife go se emela.

Itse ke gona gore Jakobo 5:14 o bua gore thapelo ya tumelo e tlaa boloka balwetse. Ka gongwe o bua gore seo e ne e le fela pampiri le mokwalo mo go yona. Mme mokaulengwe, Legodimo lotlhe le emela Beibele.

Ge o buisa Lefoko La Gagwe gakologelwa tsholofetso ke ya gago. Ke gona simolla go ipela mme o dumele mme O tlaa go fodisa.

Ke Modimo o tshwanang gompieno le ka bosenabokhutlo. Amen.

Voice Of God Recordings, South Africa Office

P.O. Box 178, Somerset West, 7129 Cape Province, Republic Of South Africa

TSWANA

©1993 VGR, ALL RIGHTS RESERVED

VOICE OF GOD RECORDINGS

P.O. Box 950, Jeffersonville, Indiana 47131 U.S.A.

[www.branham.org](http://www.branham.org)

## Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiswang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwé go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)